

Visoki predstavnik osuđuje ubistvo iz vatrenog oružja

Visoki predstavnik, Paddy Ashdown, u srijedu je izrazio svoje zgražavanje nad višestrukim ubistvom počinjenim u utorak navečer u selu Kostajnica, općina Konjic.

“Ubistvo troje članova obitelji Anđelić iz vatrenog oružja u njihovom domu, kao i ranjavanje četvrtog člana obitelji, istinski je zaprepašćujuće,” kazao je Visoki predstavnik. “Ja ga bezrezervno osuđujem te iskazujem svoju sućut obitelji i prijateljima žrtava.”

Visoki predstavnik je uz uvažavanje konstatirao da su zamjenik predsjednika Hercegovačko-neretvanskog kantona Šefkija Džihović, načelnik općine Konjic Emir Bubalo, predsjednik mjesne zajednice Neretvica Enver Mujala, te konjički imam Naziv ef. Garib osudili ovo ubistvo, te da je predsjednik Federacije BiH Safet Halilović pozvao policiju da obavi energičnu istragu.

“Vladavina prava jedini je temelj na kojem se može izgraditi mirna i demokratska Bosna i Hercegovina,” rekao je Visoki predstavnik. “Još uvijek ne znamo sve pojedinosti ovog tragičnog slučaja. Ali niko ne smije sumnjati da će međunarodna zajednica, zajedno s vlastima BiH, insistirati na tome da se poduzmu energične mjere protiv bilo koga ko počinji zločin protiv pojedinca ili protiv grupe građana u ovoj zemlji. Počinioci ovog barbarskog čina moraju biti pronađeni i dovedeni pred lice pravde.”